



以

官家文算

一

~ 16  
2772  
1





門 へ 16  
號 2772  
卷

菅家文章卷第一 詩一

月夜見梅華齊衡三年乙亥于時年十一

嚴君令田進士試之于始吉詩故載菅家承和十二年乙丑生篇首

凡耀如晴雪梅花似照星可憐金鏡轉庭上玉房馨

臘月獨興天安二年十月十日

玄冬律迫正堪嗟還喜向春不敢賒欲盡寒光休幾處將來暖氣宿誰家冰封水面聞無浪雪點林頭見有花可恨未知勤學業書齋窓下

菅家文章

尾野實英氏贈



過年華

殘菊詩

十韻貞觀二十一年十月十六日

十月玄英至，三分歲候休。暮陰芳草歇，殘色菊花周。爲是開時晚，當因發處稠。深紅衰葉病，辭紫老莖凋。露洗香難盡，霜濃艷尚幽。低迷須砌脚，倒惡映欄頭。霧掩紗燈點，風披匣麝浮。蝶栖猶得夜，蜂採不如秋。已謝陶家酒，將隨鄴水流。愛看寒暑急，秉燭豈春遊。

賦得赤虹篇一首

七言十韻自此以下四首臨應進士舉家君每

日試之雖有數十首採其頗可觀留之

扶集一

陰陽變理自多功，氣象裁成望赤虹。舉眼悠悠直雨後，迴頭耿耿在天東。炎涼有序知盈縮，表裏無私辨始終。十月取時仙雪絳，三春見處天桃紅。雲衢暴錦，星辰織鳥路成橋，造化工千丈，絲幢穿水底，一條朱旆掛空中。初疑碧落留飛電，漸談炎洲颺暴風。遠影嬋娟猶火劍，輕形曲撓便形弓。如今尚是樞星散，宿昔何令貫日忽。問着先爲黃玉寶，刻文當使孔丘通。



賦得詠青一首

十韻泥  
字擬作

扶十

正色重真定，生民萬里瞻。  
寄書仙鳥止，于呂瑞雲低。  
馬倦經丘岳，車疲過坂泥。  
雨晴山頂遠，春暮草頭齊。  
井記鳧張翅，田看鶴作蹊。  
水衣苔自織，天鑑霧無迷。  
髮鬢佳人，家潺湲道士溪。  
鋪蒲今未奏，紋竹古應替。  
故意霞猶聳，新名石欲題。  
明經如拾芥，迴眼好提撕。

賦得躬來一首

六十字  
題中韻

官闈修內禮，春事記躬來。  
候節時無誤，齋心採

不遑鈎留枝，掛月粉落葉。  
凝霜舉手頻，鳴珮低頭更滿。  
陸和風桃李，質暖氣綺羅。  
粧願助飢蠶，養成功供廟堂。

賦得折楊柳一首

六十字  
題中韻

佳人芳意苦，楊柳先攀折。  
應手麴塵輕，候顏青眼索。  
淚迷枝上露，粧誤絮中雪。  
纖指柔英斷，低眉濃黛刷。  
葉遮髮更亂，絲剪腸俱絕。  
若有入春音，誰堪行子別。

九日侍宴同賦鴻雁來賓各探一字得葦



應製

自此以下十九首進士及第之作貞觀四年

扶十六

稚羽晚鴻賓寒聲驚鳳宸帛書誰係足黃口自  
衝尾畏月是孤弦渡江非一葦先鳴何處客在  
後時無幾

八月十五夜嚴閣尚書授後漢書畢各詠

史得黃憲

并序貞觀六年

扶九

若夫誦中挾一天度之起可知記事籠群日官  
之用爰立故堯舜盛矣尚書者隆平之典周道  
衰焉春秋者撥亂之法司馬遷之修史記君舉

無遺班孟堅之就漢書國經終建逮于洛陽帝  
里劉嬰暫據宮城建武春更始纔偷甲子遂撫  
運於堯胤垂德於火方覩我風雲安我社稷者  
斯乃光武中興之主也雖則顯宗祇承使後之  
言事者爭先永平之政然而孝安屬當今天之  
厭德者遂至王度之批嗟辱四百之年圖書絕  
筆於孝獻相靈之弊禮樂墜文於山陽諸葛亮  
所謂親小人遠賢士是所以後漢傾頽者也於  
是順陽范蔚宗終紀傳而繫日月巨唐太子賢



通注解以振膏肓南陽故事雖百代而可知東  
觀群言成一時之茂典易曰觀乎人文以化成  
天下者文之謂哉嚴君知斯文之直筆味斯文之  
良史遂引諸生按授芸閣蓋仲尼閑居曾子侍  
坐思道之事自古而存觀其人之吐白鳳者通  
引籍以先來世之踏青雲者待撞鐘而競至肩  
昇汗簡手執羣編或不覺暴雨之漂流或不知  
坑岸之顛墜豈唯士安高尚時人另爲書溢元  
凱多才獨自繙有傳癖而已屬至貞觀六年甲

申歲八月十五日訓說雲披童蒙霧散三冬用  
足百篇功成知羸金之假珍感琢玉之真器枕  
古之力不可較量於是赤帝之史倚席於白帝之  
秋三千之徒式宴于三五之日嚴涼景氣方醉  
上界之煙霞蒲月光暉盛陳中庭之玉帛數盃  
快飲一曲高吟不可必赴瑤池不可必臨梓澤  
遊宴之盛亦復如是子墨客卿翰林主人請各  
分史以詠風流云尔

黃生未免在人間千頃汪汪下水關逆旅初知



師表相高才更見禮容顏陳蕃印綬慙先佩郭  
泰車鑾款早還僅就京師公府辟徵君豈出白  
雲山

重陽侍宴賦景美秋稼應製扶五

萬里如雲稼重陽就日晴吹金風冷  
鏤滴玉露清瑩霽霽皆和氣離離半  
旅生綺疇無數畝銅雀第三鳴遠  
舉迴頭望長期鼓腹聲願因秋景  
美將見海陵盈

翫梅花各分一字探得勝字  
貞觀七

梅樹花開剪白繒春情勾引得相仍  
狂風第一吹狼籍叱叱忿忿意不勝

八月十五夜月亭遇雨待月探得白  
得無

月暗雲重事不須天從人望豈欺  
誣夜深纔有微光透珍重猶勝到曉無

秋風詞題中  
韻

寒蟬驚爽序晚虎嘯涼風扇謝三秋  
月蘭傷九畹叢冷聞天籟外幽想  
土囊中水擺輕波白林翻落葉紅  
蕭條爲教令慘慄混雌雄一箇青蘋



未淒其萬不同

仲春釋奠禮畢王公會都堂聽誦禮記真觀

禮畢還聞禮威儀得再成容臺皆舊搨粉澤更  
新情屈膝羊知母申行鳳有兄居立千萬仍高

仰欲揚名

興行

奉和安秀才代無名先生寄矜伐公子

次韻

迎來至道欲相仍豈意龍門有李膺乍見浮雲  
風處破何嫌捕影日中昇天時有運寒為暖世

事無期負且乘公子先生何善惡縱雖知勸未  
知懲

和春十一兄老生吟見寄次句

和君千里一朝程恠我蕃籬羽翼生劍戟誰嫌  
隨後伏糠粃自愧在前行豈非大鳥三年舉應  
是飛丹九轉成莫道登科遲速事以詩為伯義  
為兄

入夏滿旬過藤郎中亭聊命紙筆

不畏今朝夏日長偷言出得舊芬芳禮成無厭



來修剗酒熟應歡引，入堂笑傲松喬知。耳熱愛  
朝風月欲心狂，主人莫怪還先早。爲是初來自  
遠方。

會安秀才餞舍兄防州

探得  
隅字

兄弟第恭不道無勤王，自與恒親踈一迴告別。  
腸千斷我助君情，獨向隅。

侍廊下吟詠送白

良辰誰擲度益者忽相尋，逮從新蘭室存來舊。  
竹林數盃仍許醉，微詠自知音易失。還難得愁

看欲晚陰

感源皇子養白鷄雛聊叙一絕

冷  
治冰殘片雪孤團，恠問雞雛子細看。養得恩容  
交杵白，因君一到五雲端。

秋夜離合

班來并事晚刀氣，夜風感念得秋多。惡心主爲  
我非。

奉和執金吾相公彈琴之作

參議左衛門督源多  
右衛門督藤原良繩

見說秋堂事，金吾撫玉琴。古人看有象，新調聽



無滄峽斷王泉咽鳥寒五夜深吟君相感句如  
遇舊知音

仲春釋奠聽講論語

聖教非唯一孤源引萬流珠從沫水出轄自孔  
門投問道誰為遠趨庭莫暫留此間鑽仰事遙  
望魯尼丘

錢別同門故人各著緋出宰探得

同門告別泣春風人道三龍一水中悔不當時  
千萬謝應煩別後夜來夢

喜雨詩以龍為韻限八十字每句用漢代良吏名

傳號霑千里宜恩出九重雨寬何霑澤雲黯幾  
奇峯晴記年豐瑞先知井邑雍令辰成德政旁  
午育耕農步武甘膏滿含弘渙汗濃延年秋可  
待廣漢齋猶懼欲遂聽銅雀誰尊醮土龍田翁  
飯去處佇立盛時邕

賀官田兩才子入學

典出於宮玉出田陽春明月孔門前前程占得  
揚名處聲價過雲城復連



早春侍內宴同賦無物不逢春應製并序自此

以下秀才作貞觀九年 扶二

臣聞春者一年之警策四時之光粉也時是鸞  
花人皆鳧藻君王遊豫其不悅乎故一聯樂韻  
非勅喚不得發其聲數輩詩臣非詔旨不得言  
其志謂之內宴其事可知觀夫天文建寅帝德  
旁生天以春為化帝以惠為和惠化一時煦嘔  
何甚乃知四海之大也何處有陰勝之愁庶類  
之多也何物有寒餘之色一草一木光華揭焉

惟夏惟夷娛樂至矣臣地是遊鈞身同挾纊視  
聽失所豈敢多言伏叙一人之有慶兼賦萬物  
之逢春云尔謹序  
寒光早退更無餘萬物逢春渙汗初問蒼林前  
鶯語報看過水上浪文書詩臣膽露言行樂女  
妓粧成舞步虛侍宴雖知多許事一年一日黍  
仙居

仲春釋奠聽講孝經同賦資父事君并序扶九

仲春之月初十大昕有事于孔廟蓋釋奠也遷



豆之事則有司存之苾芬之儀則鬼神享之禮云禮云可名目以言矣於是圓冠博節博帶摠衣命夫君子之儒替其古文之典立言在簡憲章于魯堂之中敷說如流擬議于洙水之上故能志於道據於德擁經猶有三千芸其草修其書去聖曾未咫尺夫孝事親之名經爲書之号謂之義者旁觀地理謂之行者俯察人文是以膺籙受圖之貴非孝無以約左龍啜菽飲水之甲非孝無以據懸象至如子諒之心孫謀之詠

求之於百行不如此一經者也觀其一草一木不伐勾甲於和風之前乃父乃兄無虧燕毛於觀學之後濟濟焉鏘鏘焉孝治之世其猶鏡容乎况亦資慈父以事聖君君父之敬可同孝子之門必有忠臣臣子之道何異然則揚名之義可請益於北闕之臣刑國之儀豈失問於南垓之子願錄三綱之無爽將叙五教之在寬云爾謹序

懷忠偏得意至孝自成入換白何輕死會冊在



顯親王生猶有母曾子豈非臣若向公庭論應知兩取身

詠瞿麥花呈諸賢

錦窠寸截裏繁華不道優曇在釋家仁智何唯山水樂願君好愛一蓂花

戊子之歲八月十五日夜陪月臺各分一字

探得登 貞觀十

詩人遇境感何勝秋氣風情一種疑明月孤輪家萬戶此間臺上是先登

觀王度園碁獻呈人

一死一生爭道頻手談厭却口談人殷勤不愧相嘲哂漫說當家有積薪

春日暇景尋訪故人

一席將迎能幾人因君記得惜殘春餘花落處爭移榻宿釀開時且漉巾軟脚和風知有舊怡顏暇景既如新傷心獨有王戎在向竹還慙格物身

陪寒食宴雨中即事各分一字

得朝



待來寒食路遙遙自一陽生百五朝天愍子推  
嫌舉火柳烟桃焰雨中消

史記竟宴詠史得司馬相如

太子猶司馬相如有舊聞官嫌為武騎曲喜得  
文君苦諫長楊獵多勞廣澤軍大人今可用何  
處不凌雲

寄巨先生乞畫圖

于時先生為神泉苑監  
通許遊覽仍獻乞之

先生幸許禁闈遊更恐時光不暫留山水從來  
無擔去願憑君得寫風流

山陰亭冬夜待月

高齋待月月何淹不畏風霜幾撥簾海伯應慵  
投老蚌山神欲惜秋寒蟾消殘砌雪心猶誤挑  
盡窓燈眼更嫌珍重東頭光數尺如無如有獨  
緜緜

七月六日文會

秋來六日未全秋白露如珠月似鉤一感流年  
心最苦不因詩酒不消愁

停習彈琴



偏信琴書學者資多三餘窓下七條絲專心不利  
徒尋譜用手多迷數問師斷峽都無秋水韻寒  
鳥未有夜啼悲知音皆道空消日豈若家風便  
詠詩

八月十五夕待月席上各分一字得

一更待月事何如疑是遙良月步徐爲向東頭  
千萬報白雲雖密意猶踈  
二更待月事何如不見金輪度碧虛雨脚忿忿  
雲簇簇秋風爲我可乖踈

三更待月事何如目倦心疲望裏踈酒是十巡  
詩百詠恠來不照我閑居  
四更待月事何如鐘漏頻移意有餘縱使清光  
纔透出當勝徹夜甚簷踈  
五更待月事何如物色人情計會踈不恨雲中  
天已曉應知陰雨我三餘

九日侍宴賦山人獻茱萸杖應製

萸杖肩昇入九重煙霞莫笑至尊供南山出慶  
荷衣壞北闕來時菊酒逢靈壽應慙恩賜孔葛



陂欲謝化爲龍排頭繫臂肯無力願助仙行赴  
赤松

仲春釋奠聽講毛詩同賦發言爲詩

舉手斟王澤彤言見國風嘉魚因孔至泮水待  
春通諫盡文章下情摠諷詠中頌聲猶不寢將  
發太平功

團坐言懷

暗將年事幾蹉跎若不團居欲奈何酒爲忘憂  
盃有數詩綠叙志帑猶多自慙少日徒迴轂偏

恨夕陽不用戈我意君情今夜盡曉天皈處莫  
空過

王度讀論語竟聊命盃酌

圓珠初一轉舞象遂丁年自此窮墳典何唯二  
十篇

花下餞諸同門出外吏各分一字探得

送客何先點淚痕應綠別後不同門今朝記得  
歸來日萬里程間一折轅

晚春同門會飲翫庭上殘花



榮枯物我自應知春晚殘花幾許枝人有同門  
芳意篤鳥無比翼暮栖移攀時醉裏何遊手落  
處盃中莫盃吹一道馨香今日盡明朝眉目爲  
誰施

良幹

過尾州滋司馬文亭感舍第四郎壁書彈  
琴妙聊叙所懷獻以呈寄

偶尋文閣共閑居左見彈琴右見書昨夜歡逢  
春晚盡今朝苦念夏來初高看壁上雲栖鳳快  
聽絃中水聳魚一一商量相况得張爲不弛蔡

無如

哭管外史奉寄

大內記興行  
安著作郎

酷悲穿眼復消魂皆道希顏是妄言少日垂帷  
疲蠹簡當年對策落龍門青衫未換名無謚白  
髮空生祭有孫命矣皇天相與奪高才不過傳  
先存

九日侍宴同賦喜晴應製

并序貞觀  
十四扶一

臣聞爲雨爲露天以降成歲之靡違乍陰乍陽  
人以仰授時之由運洎于蕞落開候辰角廉天



以垂文清風戒寒雨畢隨政而設教彼與蓋之  
攸覆載自然當晴以既晴專書之所祇羨詎不  
一喜而重喜者乎我皇駟人壽域翫風光以過  
淒涼導物福庭推日月而得長久菊花一束聖  
主助彭祖之先術也荃宰千年群臣效華封之  
舊詞也於是繡衣之子謝曉夢於徃時白頭之  
公報秋晴於今日遊氣高寒獻哲玄覽頌窈寓以  
高仰賜侍臣以遠瞻故天下之傾首者皆是唐  
堯就日之民天下之屬心者孰非樂廣披霧之

工風塵永斷耳自俱清請歌聖代之明時將接  
頌臣之朗詠云尔

重陽資飲宴四望喜秋晴不是金鷄拂應綠玉  
燭明無爲玄聖化有慶兆民情獻壽黃華酒爭  
呼萬歲聲

晚冬過文郎中翫庭前早梅  
文室長者歎 并序 扶十

日者朝家有令禁飲酒令行之後無犯之者若  
不追訪故人存慰親友更無快飲盃酒縱賦詩  
章夫故人未必親友親友未必故人兼之者文郎中



也詩家未必酒敵酒敵未必詩家兼之者文郎中也我  
黨五六人適遇即中之暇泉聊叙詩酒之歡娛推步年  
華嚴冬已晚具瞻庭實梅樹在前嗟乎時之難得不可  
不惜物之易衰不可不愛既有故人之局會盡賦芳樹  
之早花庶幾使故人之締交者知孔門之有此風云尔  
一年何物始終來請見寒中有早梅更使此間  
芳意篤應緣相接故人盃

奉和王大夫賀對策及第之作次韻

明時對策有名聞負擔其裘不外分幸免空飯

為白首無期上列在青雲食情若讀新章句  
眼驚看舊判文莫道成功能管領一枝蠹桂謝

家君諸儒評判故詞甚深故云

賦得麥秋至一首 勸安寬寒竿壇端

步曆春王去乘取夏令安麥由千畝遠秋包兩  
岐寬欲舉先登穀非逢暮律寒候占收繭稅人  
趨守鷄竿錄舊排囚戶羞新肅廟壇自此多稼  
瑞將望碧雲端

五月長齋畢書懷簡諸同舍



問君十五日來心，隨喜無聊也不媿。初廢芭芭，  
聞般若，暫停念念。念貴觀音，慇懃欲趁花間醉約。  
略應容月下吟，爲向香爐經案，導涼風寒露更相尋。

長齋畢，聊言懷，寄諸才子。訓荅頻來吟詠，  
有感更因本韻重以戲之。

我今苦行最甘心，爲悔生生殺盜淫。錄先添  
新發意，書齋更覓舊知音。嗟來白日，駟輪轉放  
得炎風避暑吟。歸着葷腥，應宴樂世間何處擬。

先尋

翫秋花

東宮侍中局  
小宴之作

秋花得地在春宮，萬歲將看一箇蓼。素片還慙  
芳意，素紅房溫對醉顏。紅馨香畏減，淒涼雨氣  
色嫌傷。晚暮風欲惣，繁華供殿下。不知何處路  
相通。

仲秋釋奠聽講周易賦，鳴鶴在陰。

暗知鳴鶴驚秋氣，一叫先穿數片雲。縱使清聲  
千萬和，不用十翼豈高聞。



九日侍宴同賦天錫難老應製

并序貞觀十三扶五

臣聞精誠感致，欽若之機，自齊冥報，來臻孔照。之鑑無掩，蓋五緯連珠，二離合璧，則躔次頻，謝孰謂長生，雲膚爛紫，露液流茸，則氣色難留，未期久視，豈若聖化旁達，天居既成，一葦之程，皇明遠覃，司命不換，三科之筭，猗歟穰穰，景福駐老彭，以列周行，濟濟風猷，越龜鶴以朝，魏闕紅桃在，向非藏春，龜於形容，白雪呈肌，寧結寒光於霄體，彼紫府黃庭之遊，熊經鳥申之戲，詭在

方外，誠為瓊焉，故肉食空，設遂可無勤養之勞，鳩杖舊在，誰見有扶持之用，况乎重陽慶節，九日優遊，侍宴者得道於登高，合歡者歸心於避惡，霓裳一曲，鈞天夢裏之音，露酌數行，仙窟掌中之飲，臣等不知不識，帝力何施，優哉游哉，神交斯在，非頌天錫之遐齡，無叙人君之至德，云

介謹序

明主開壽域，不老自蒼天，駐采非因道，輕身豈學仙，鶴毛無一片，鮎背可千年，已識皇恩洽，將



編雅頌傳

冬自賀船進士登科兼感流年御船弘方

苦惜分陰貢士家登科自此甚寬賒題名已舊  
前春勝就賀難留晚日車席上傳看紅桂抄五  
中勸得綠梨花君功我業先成後不恨三冬景

易斜予對策及第之日進士得兩登科

冬至日晝懷奉呈田別駕

禮具誰羞履襪踈于門共幸一陽舒風光不辨  
微和屬夜漏猶嫌冷夢餘稱舊秀才春去後

前司馬歲來初正元駕覺殊今日再拜當頌

上書權在外官滿年抱笏儒生故事行禮執經余兩有之故聯此句

近以冬至書懷詩奉呈田別駕謝答中有  
恐作冬雷聞聲促之句吟翫未畢重寄一

封叙云詩去須臾天南雷鳴一聲擊睡覺  
夢有感更用本韻予止讀驚愕已悟天人  
相應即又以本韻重以呈之

感徹悠悠不道踈雷聲在晦甚寬舒君憐百里  
聞無外我利連城照有餘強學言詩知是本偷



閑顯志愧為初恩容唱和驚天意願遂編成數  
卷書

殘燈風韻

一點殘燈五夜通分分落淚寸心中餘光不力  
扶持舉競下蘆簾恐見風

書懷寄安才子

肩昇范漢百篇書太學門前日出初若不揚名  
資祿養何愁曆尾數行餘君有歲莫暫  
停寮試之嗟

同舍小飲

舍不過方丈酒將及數盃夜更留不駐好去待  
取來秀才早去  
故有此句

漢書竟宴詠史得司馬遷

少日纔知誦古文何圖祖業得相分每思劉向  
稱良史再拜龍門一片雲

八月十五夜月前話舊各分一字探得

秋月不知有古今一條花也五更深欲談二十  
餘年事珍重當初傾蓋心

謁河州藤負外刺史聊叙所懷敬以奉呈



君居便近望階墀請謁猶愁寸步遲  
案譜江流親不隔刺史適生干大江氏江  
同門孔聖道無欺刺史問道於攝侍即  
春遊莫弄花開處夜宴當饒月滿時  
若會長拋踈客禮何嫌日到敵圍碁  
刺史面許對敵碁故有此興

早春侍宴仁壽殿同賦春雪映早梅應製

扶十

雪片花顏時一般上番梅援待追歡冰紈寸截  
輕粧混玉屑漆來軟色寬鷄舌纔因風力散鶴

毛獨向夕陽寒明主若可分真偽願使宮人子

細看

早春陪右丞相東齋同賦東風粧梅各分

一字探得迎字

春風便送問頭生為翫梅粧繞樹迎偷得誰家  
香劑麝送將何處粉樓瓊先吹煖火頻溫慰更  
作霜刀且剪成裂素誰容勞少女占巢莫恠妬  
初鶯繁華太早千般龜號令猶閑五日程好是  
銀塩多結菜應緣丞相欲和羹



書齋雨日獨對梅花

點檢窓頭數箇梅花時不記幾年開官門雪映  
春遊後相府風粧夜飲來今年內宴有勅賦春  
雪映早梅內宴後朝  
右丞相招詩客五十六人賦東風  
粧梅余雖不才侍此兩宴故云紙障猶卑依樹  
立蘆簾暫撥引香迴書齋對雨閑無事兵部侍  
郎興猶催

拜戶部侍郎聊書所懷呈田外史

聞說劇官戶部郎人臣何簡職閑忙偷居史局  
三年去忝入兵曹二月強余貞觀十三年為內  
史今年正月遷兵部

侍郎二月案牘初慙從政理風雲暫謝屬文章  
遷任戶部知君近侍公卿議功過昇降報莫忘外史侍近  
伏頭案每  
有公議終日  
祇候故云

九日侍宴同賦紅蘭受露應製貞觀十五  
扶十五

芳蘭裊露恐傷風好是餘清洗碎紅鶴驚寒更  
三轉後蜂喧晚步十迴中珠團滿袖羅文解玉  
酒添香蓋底空臣幸著緋恩澤渥自噎曉滴在  
秋藂

九日侍宴同賦吹花酒應製扶十



恩容九日醉顏酣，酒湛兼清菊採甘。把盞無嫌  
斟分十吹花乍到，唱遲三層頭泛。金猶點口  
上餘香麝半含，暮景雙行多得力。松喬更向小  
臣慙。

傷安才子

誰疑世俗是風波，叫著蒼天痛奈何。已斷平生  
相教授，爲君西向誦弥陀。

雪中早衙

風送官鐘曉漏聞，催行路上雪紛紛。稱身著得

裘三尺，宜口温來酒二分。恠問寒童懷軟絮，  
看疲馬踏浮雲。衙頭未有須臾息，呵手千迴著  
案文。

早衙

迴燈束帶早衙初，不倦街頭策蹇驢。曉鼓鼕鼕  
何處到，南爲吏部北尚書。

秋日山行二十韻

于時祈神  
向越州社

行行山不盡，念念意無聊。步曆三秋暮，離家五  
日朝。白雲何澗口，紅樹幾岩腰。每有涼氛到空



令旅思焦整粧寒葦食催駕曉燈挑委曲斜穿  
路傾邪聳構橋地危常轉石天近暫摩霄未省  
人身換宛如世界超疲驂嘶布水老僕困綿崎  
指過僧持錫逢迎客採樵低頭臨邑里舉手謝  
塵囂戶牖基千峙江湖帶一條薜蘿新衲結榆  
英古錢銷解渴流泉漱羨温落葉燒煙嵐心慘  
慘骨髓氣蕭蕭豈趁飛丹術非求束帛招拜神  
趨社廟齋幣拂災祲日脚光陰走年華物色凋  
風驅應達旦月送自通宵問著程多計初知向

後遙

海上月夜

于時祝神  
到越州

秋風海上宿蘆花况復蕭蕭客望賒語笑心期  
聲闐浪詩篇口号指畫沙行遲淺草潮痕没坐  
久深更月影斜若放往來憐勝境越州買得一  
儒家



序六首

詠史得黃憲

無物不逢春

資父事君

九日喜晴

文郎中庭前早梅

天錫難老

菅家文草卷第一 詩一

菅家文草第二

早春侍宴仁壽殿同賦認春應製自此以下百六

首吏部侍郎之  
作負觀十九

認得年芳第一科先從禁籞遍經過和風附外  
排山水暖氣留中屬綺羅鳥語還嫌簧在舌花  
容不放錦成窠今朝莫道春深淺偏愛吹噓長  
養多

暮春見南亞相山莊尚齒會南淵  
年名

逮從幽莊尚齒筵宛如洞裏遇群仙風光惜得



青陽月遊宴追尋白樂天古靜不依無影樹避  
喧猶愛有聲泉三分淺酌花香酒一曲偷聞暮  
調絃撫杖將供扶醉出留車且待下山旋每看  
吾老誰勝淚此會當爲惱少年嚴閣相公在  
七人中故云  
早春侍宴仁壽殿同賦春暖應製并序元  
慶二扶

句非彼恩容侍臣勅喚文士未曾清談遊宴夢  
想追歡者乎既而金箭頻移玉盃無算紅衫舞  
破所綴者禁庭之花朱吻歌高所過者行雲之影  
倚羣其爲外也風月鸞花其爲內也綺羅脂粉  
一事一物皆是溫和相送相迎靡非煦煦小古  
解形俗人取樂今日將詳盛事於瑣窓還誠不  
言於溫樹嗟嘆不足略而知之云尔謹序  
春風聖化捻陽和初出重闈露布過語鳥千般  
皆德煦游魚萬里半恩波虹霓細舞因晴見沉



瀧流盃向晚多日落先飯何恨苦儒生不便手  
迴戈

喜田少府罷官飯京扶八

山郵水驛思紛紛一種風光兩處分西望五年  
空送日暮來千里乍披雲情悲倍自初離去淚  
落多於便附聞若不相忘曾入室殷勤存慰我  
家君門人雖多用意  
異昔故囑之

仲春釋奠聽講孝經

此是天經即孝經分來聖道滿皇庭為臣為子

昔言孝何啻春風仲月丁

講書之後戲寄諸進士

我是筑筑鄭益恩曾經折桂不窺園文章暗被  
家風誘吏部偷因祖業存文章博士非不居  
吏部侍郎有能惟任  
自余祖父降及余身三代  
相兼兩官無失故有謝詞勸道諸生空報面從  
公萬死欲銷魂小兒年四初知讀恐有疇官累  
未孫

早春侍內宴賦聽早鶯應製元慶  
三

不恠鶯鶯早應綠樂歲華語偷管韻樓上綺



羅花愛翫憐風軟貪聞恨日斜偏歡初出谷謝  
絕舊烟霞

元慶三年孟冬八日大極殿成畢王公會

賀之詩

扶十

鷲雀先知聖德包子來神化莫空拋初成不日  
金猶在且望如雲玉半交欲見高晴星舊拱應  
競遠翥鳳新巢棟梁木惣出於槐棘誰愧唐堯不  
剪茅

早春侍內宴同賦雨中花應製

扶十四

花顏片片咲來多冒雨馨香不奈何羅袖猶  
霑舞汗花袍自怪沐恩波驚看麝劑添春澤勞  
問鶯兒失晚窠五出莫誇兼渥潤一天下喜有  
滂沱  
傷巨三郎寄北堂諸好事  
我今收淚訴真真何不愁遺一後醒伊洛有聖  
追逝水孔家無柳斷趨庭傳聞此即勤學之悲  
栽冢上新生樹哭放窓頭舊聚螢偷謚貞文為  
汝誄夜來窺得巨門星



博士難 古調

五家非老將，儒學代歸耕。皇考位三品，慈父職公卿。已知誓古力，當施子孫榮。我舉秀才日，箕裘欲勤成。我為博士歲，堂構幸經營。萬人皆競賀，慈父獨相驚。相驚何以故，曰悲汝孤惇。博士官非賤，博士祿非輕。吾先經此職，慎之畏人情。始自聞慈誨，履水不安行。四年有朝議，令我授諸生。南面纔三日，耳聞誹謗聲。今年修舉牒，取捨甚分明。無才先捨者，讒口訴虛名。教授我無

失選舉，我有平誠哉。慈父令誠我，於未萌。

仲春釋奠聽講左傳賦懷遠以德  
德是明王致，遠車東過鳥塞北。龍沙懷來總作懷中物，四海茫茫尚一家。

暮春送因州茂司馬備州官司馬之任同賦花字

別意難忘景易斜，不知閑日在誰家。愛君顏色頻迴眼，醉淚空欺員雨花。

北堂澆章宴後聊書所懷奉呈兵部田侍



即

誇者槐林來客尊，  
抵迎幸相到黃昏。  
伶人枕鼓池頭卧，  
胄子懷詩壁下蹲。  
何更先談聞宿老，  
自然後幾發雲孫。  
公卿乍會初遊宴，  
幸甚生涯不測恩。

後漢書竟寔各詠史得光武

時龍何處在光武，  
一朝乘濟縣低飛。  
鳳潭沱暗合水，  
將軍星有列曆數。  
火相羨計會天人應，  
宜哉得中真。

山家晚秋

以題為韻右親衛平將軍河西別業也

千萬人家一世間，  
適逢得意不言還。  
幾臨瑟瑟寒聲水，  
又對蕭蕭暮景山。  
山下上隣當路霞野，  
中信馬破程花。  
將軍莫道遊心主，  
博士來為養性家。  
養性有餘空偃蹇，  
我情多恨相知晚。  
雲泥不計地，  
高卑風月只期天。  
久遠數局圍碁招，  
坐隱三分淺酌飲。  
忘憂若教天下知，  
交意真實道遙獨此秋。

奉和兵部侍郎哭舍弟大夫之作 押韻



魂也歸來何處，憑生涯不遇痛無勝。君悲逝水，孤浮浪我泣，分陰共鏤冰。相國心寒，秋露草通家眼暗。曉風燈，以婚親每述心膽。今之傷悼，死而有餘。故云。菩提道外誰迴向，為念彌陀拜老僧。

長谷雄

勸吟詩寄紀秀才元慶以來有識之士或公或私爭好論議立義不堅謂之癡鈍其外只醉舞狂歌罵辱凌轉而已故製此篇寄而勸之

風情斷織壁池波，更恠通儒四面多。問事人嫌心轉石，論經世貴口懸河。應醒月下徒沈醉，擬灤花前獨放歌。他日不愁詩興少，甚深王澤復

如何

路次觀源相公舊宅有感

相公去年夏末薨逝其後數月

丁朝燒滅舊經營，苦問遺孤何處行。殘燼華博老色半焦，松樹烏啼聲應知腐草螢先化。且泣炎洲鼠獨生，泉眼石稜誰定主。飛蛾豈斷繞燈情。

雲州茂司馬視詩草數首吟詠之次適見哭管侍鑿之長句不勝復悼聊叙一篇



詩本取諸播管絃豈圖今日別潛然風吹藥種  
家三世露落蓬門路九泉定遇瑠璃師主佛疑  
為紫府客來仙我無父母無兄弟親友又亡惚  
是天

詩草二首戲視田家兩兒一首以叙管侍  
鑿病死之情一首以悲源相公失火之家  
木人侍郎適依本韻更訓一篇予不堪感  
歎重以答謝

高情莫恠妄言詩為遇知音也世治欲慕名鑿

復宿分非憐勝地諷當時松喬本是尸行客衛

霍今猶火宅悲我唱無休君有子何因編錄命

龜兒白樂夫命小姪龜兒

有所思元慶六年夏末有匿詩誹藤納言納言

甚慙之命矣天也納言冬緒歟

君子何惡處嫌疑須惡嫌疑涉不欺世多小人  
少君子宜哉天下有所思一人來告我不信二  
人來告我猶辭三人已至我心動况乎四五人  
告之雖云內顧而不病不知我者謂我癡何人



口上將銷骨何處路隅欲僵屍悠悠萬事甚狂  
急蕩蕩一生長嶮巖焦原此時谷如淺孟門今  
日山更夷狂暴之人難指我文章之士定爲誰  
三寸舌端駟不及不患顏疵患名疵切名未立  
年未老每願名高年又老况名不繫徒憂死取證  
天神與地祇明神若不愆玄鑑無事何久被虛  
詞靈祇若不失陰罰有罪自然爲禍基赤心方  
寸惟牲幣因請神祇應我祈斯言雖細猶堪特  
更愧或人獨自嗤內無兄弟可相語外有故人

意相知雖因詩與居疑罪言者何爲不用詩

九日侍宴各分一字應製

探得芝

蕭辰供奉一佳期并舞紛紛白玉墀恩賜菊花  
纔虎占勅催紅袖惣蛾眉五雲晴指登高處千  
日暮知鮮醉時筭取重陽名教樂此生長斷茹  
靈芝

喜被遙兼賀負外刺史

家門認得弊箕裘最喜先君在此洲月俸曾因  
否哺飽泉途更欲計恩酬無勞北陸行殘雪只



望西成退大秋腰底三龜知意否仁風為我漲  
春流手先泰二官直兼州任  
恩澤無極士林榮之

春日於相國客亭見鷗鳥戲前池有感賦  
詩

人知鳥意鳥知人莫道沙鷗素性剛非與紫鱗  
爭樂水欲將霜翅不回塵當時未謂浮沉定數  
處唯無去就頻棲息若容三四日遂生何必入  
懷仁

春日適丞相家門

除日明朝丞相家無人無馬復無車况乎一旦  
薨亡後門下應看枳棘花

陶源尚書餞總州春別駕同用難寬看三字

共理從來知帝難易東莫謝舊丁寬淚痕爭得  
盈雙袖別後思君每日看

去春詠渤海木使與賀州善司馬贈答之  
數篇今朝重吟和典客國子紀十二丞見  
寄之長句感而翫之聊依本韻

掌上明珠古下霜風情潤花使星光春遊物



明司馬夏熟交襟典客即恨我分庭勞引導  
君過境富文章若教毫末逢開且莫惜縱容損  
數行

重依行字和裴大使被訓之什

寒松不變質繁霜面禮何須假粉光灌漑梁園  
爲墨客婆娑孔肆是查郎千年豈有孤心負萬  
里當憑一手章聞得傍人相語笑因君別淚定  
添行

過大使房賦雨後熟扶

風涼便遇歛纖氣未覩青天日已曛揮汗春官  
應問我飲水海路詎愁君寒沙莫趁家千里淡  
水當添酒十分言笑不須移夜漏將妨夢到故  
山雲

夏夜對渤海客同賦月華臨靜夜詩題中反韻

六十字  
成扶一

舉眼無雲靄容頭翫月華仙娥弦未滿禁漏箭  
頻加客座心呈露杯行手酌霞人皆迷傳粉地  
不辨晴沙縱望西山落何瞻北海家閑談知照



瞻莫勤折燈花

醉中脫衣贈裴大使叙一絕寄以謝之  
吳花越鳥織初成本自同衣豈淺情座客皆為  
君後進任將領袖屬裴生

二十八字謝醉中贈衣裴少監謝答之中

似有謝言更述四韻重以戲之

不堪造膝接芳言何事來章似謝恩腰帶兩三  
杯後解口談四七字中存我寧離袂忘新友君  
定曳裾到舊門若有相思常服用每逢秋鴈附

寒溫

依言字重訓裴大使

多少交情見一言何關薄贈有微恩手勞機杼  
營求斷心任裁縫委曲存短製應資行客路餘  
香欲襲國王門後來縱得相親藝故事因君暗  
可溫

夏夜於鴻臚館餞北客歸鄉

歸歎浪白也山青恨不追尋界上亭腸斷前程  
相送日眼穿後紀轉來星征帆欲繫孤雲影客



韶爭容數日，高情別何爲。遙入夜，綠嫌落淚，被  
人聽。

謝裴大使留別之什

次韻

交情不謝北溟深，別恨還如在陸沉。夜半誰欺  
顏上，玉句餘音斷，契中金。高看鶴出新雲路，這  
妬花開舊翰林。珍重歸鄉相憶處，一篇長句，勸  
丹心。

臨別送鞍具，絳州春別集

御民銜勒本君功，顧盼將聞瞿鑠翁。淚落分鑣

專夜雨，心悲結鞅欲秋風。山行莫忘浮雲上，歲  
暮當思蹈雪中。春日縱逢軒下鹿，鞍鑣爲我不  
長空。

小廊新成，聊以題壁

數步新廊壁也，釘青烟竹下。白波庭北偏，小戶  
藏書閣。東向踈窓望月亭，行路馬蹄斜側見。到  
門人語近前聽，自嫌塵客時言笑。從請山僧夜  
誦經，分合終年開甕牖。猶勝竟日掩柴扃，掃除  
一室雖知足，未免衝泥又戴星。



勸野營住學胃

李孔通家通不分幾因才藝早知聞昔尚書子  
寧非我野相公孫獨有君謂先相公龍去九霄曾宿  
水鶴飛千里未離雲縱無閉戶垂帷意當會文  
宜享苾芬學中謂時時來者為釋奠學生故云

水中月扶

滿足寒蟾落水心非空非有兩難尋潛行且破  
雲千里徹底終無影陸沉鳳似江波初鑄鏡映  
如汝岸半披金人皆俯察雖清淨唯恨低頭夜

漏深

夢阿滿

阿滿云來夜不眠偶眠夢遇滌漣漣身長去夏  
餘三尺齒立今春可七年從事請知人子道讀  
書讀誦帝京篇初讀賓王古意篇藥治沉痛纔旬日風  
引遊竟是九泉爾後怨神兼怨佛當初無地又  
無天看吾兩膝多嘲弄悼汝同胞共華鮮阿滿已後  
小第次七萊誕會珠悲老蚌莊周委蛻泣寒蟬那堪  
小妹呼名覓難忍阿孃滅性憐始謂微微腸暫



續何因急急痛如剪，乘瓠戶上加蓬矢。竹馬籬  
頭著，葛鞭庭駐戲栽花。舊種壁殘學點字，傍邊  
每思言笑雖如在，希見起君惚惘然。到處須弥  
迷百億生時，世界暗三千。南無觀自在菩薩，擁  
護吾兒坐太蓮。

詩情怨

古調  
十韻

呈管著作兼視紀秀才

去歲世驚作詩巧，今年人謗作詩拙。鴻臚館裏  
失驪珠，御相門前歌白雪。非顯名賤，匿名貴非  
先作優，後作劣。一人開口，萬人喧。賢者出言愚

者悅，十里百里又千里。駟馬如龍，不及舌。六年  
七年若八年，一生如水，不須決。一生如水穢名  
滿，此名何水得清潔。天鑑從來有孔明，人間不  
可無。則哲惡我偏謂之，儒翰去歲世驚自然絕。  
呵我終為實落書，今年人謗非真說。

余近叙詩情怨一篇，呈管十一著作，即長  
句二首，偶然見訓，更依本韻重以答謝。

請君好詠一篇詩，唯恨無人德務滋。  
尚書曰樹  
德務滋  
讒古音聲字尚盤，厚顏脂粉鏡知媿。雲生不放



寒蟾素柱死何勝毒蠹緝鎖骨元來由積毀履  
采未免老狐疑

生涯我是一塵埃宿業頻遭世俗猜東閣舍將  
真咳唾比滇賣與僞珍瓏三條印綬依恩佩九

首詩篇奉勅裁

來章曰蒼蠅舊讀元台辨白體新詩大使裁注云近來有聞裴

願云禮部侍郎得白氏之體余讀此二句盛上句之不欺兼下文之多詐訓和之次聊述本情余心無一德身有三官掩而言之事緣恩辨更被勅旨假号禮部侍郎與渤海入覲大使裴願相唱和詩惣九首追以慙愧故有此四句 凡眼昏迷誰料理丹鷗鏡掛碧霄臺

予作詩情怨之後無得管著作長句二篇

解釋予憤安慰予愁憤釋愁慰朗然如醒

予重拈蕪詞謝其得意韻本

家業年祖本課詩情田欲倦莠言滋材窺直立

無全性女妬新來不弄娥對客頻逢珠子白從

師始入薜衣緇余自聞惡名有世人若用剛柔

戒莫願偷爲雋不疑賴君清冷肅浮埃遮莫呵

呵甚口猜餌捉游魚隨手蠲媒投苦李滿懷瓌

龍門迤送同時上鳳韶相分二代裁余與君貞觀中對策

龍門迤送同時上鳳韶相分二代裁



及策雖有先後猶是一時余即為著更聞高才  
作即至元慶君又為之故云二代  
一官老孟堅著作兼去聲蘭臺

夏日偶興

天放一身不繫維雨晴好是得佳期  
三官過分知恩日六暇逢閑任意時  
卧見新圖臨水障行吟古集納涼詩  
區區心地無煩熱唯有夢中阿蒲悲  
先是阿蒲之詩

見渤海裴大使真圖有感

自送裴公萬里行相思每夜夢難成  
真圖對我

無詩興恨寫衣冠不寫情

九日侍宴觀賜群臣菊花應製扶十

滿把寒花十指溫術中彭祖九重門  
雞雛不老仙人曙麝劑初穿道士園  
便採孤蓂秋露種非租五柳晚雲  
孫莫教舞妓偷食去恐未藝收月  
裏奔

題白菊花去春天白明上人分寄種苗

寒蓂養得小儒家過雨宜看亞白沙  
本是天台山上種今為吏部侍郎花  
霜鬢秋暮驚初老星



點曉風報早衙長斷俗人籬下醉應同閑在舊  
烟霞

同諸才子九月三十日白菊蓂邊命飲同  
爾餘魚各加小序不  
過五十字扶十五

仲秋翫月之遊避家忘以長廢九日吹花之飲  
就公宴而未遑蓋白菊孤蓂金風于夜今之三  
字近取諸身而已云余  
白菊生於我室虛殘秋一夕又閑餘淺深困醉  
花總下取樂何求在藻魚

典儀禮畢簡藤進士

迴頭曉望紫微宮百辟星前拜拜風我昔仙階  
纔砥器應知細吐白雲中余以待郎近陪宴  
更被朝議又為典儀  
故有  
此句

賦得春深道士家限四十字題中取韻筆  
不停滯文不加點扶

鶴王閑引步道士洞中家秋暖潺湲水食清晚  
暮霞杖新裁笋籜符舊撼桃花好去春二月年  
加老不加

絕句十首賀諸進士及第



七七頽齡是，老生誓云未死遂成名。明王若問君才用，更誇差勝風月情。賀母誼  
無厭泥沙久，驟聽場中出入十三迴。不遺白首空歸恨，請見愁眉一旦開。賀平  
當家好爵有遺塵，不若槐林苦出身。四十二年初及第，應知大器晚成人。賀橋  
初有二毛更六年，此朝筋骨可神仙。知君太學能常住，願使諸生幾是賢。賀中義  
親老在家七十餘，每看膝下淚連如。登科兩字

千金直，孝養何愁無斗儲。賀野  
人共賀君我獨傷，曾知對策苦風霜。龍門此日平三尺，努力前途萬仞強。賀田  
少日偏孤凍且飢，長呼孔父濟窮兒。還家拜世何為傲，手捧芬芬桂一枝。賀多信  
此是功臣代代孫，神明又可祐家門。况為進士揚名後，今待公卿採擇恩。賀和  
一經不用滿囊金，况復螢光草廡深。業是文章家將相，朱衣向上任君心。賀右生



龍有角，駒鳳有鷄，行程自與世人殊。聞君舍弟皆家業，次第當探海底珠。賀橘

八月釋奠，聽講孝經賦，秋學禮。

過庭無父感，秋時三百三千更問誰。暮景蕭蕭雲斷處，一行寒鳥是吾師。

傷藤進士呈東閣諸執事扶

我等曾為白首期，何因一夕苦相思。披書木卷同居處，拾藥空歸已葬時。不投秋聲喪父哭，猶勝曉淚夢兒悲。余先皆所有，此生永斷俱言矣。

且泣將吟事母詩。東閣孝經竟宴進士事母之詩故云

去冬過平右軍池亭對平圍碁賭以隻圭新賦將軍戰勝博士先降今寫一通訓一絕奉謝遲晚之責

先冬一負此冬訓，妬使侯圭降。弈秋閑日若逢相坐，隱池亭欲決古詩流。

感小蛇寄田才子一絕。來訪之間此蛇在前故感之

縱未鱗飛不道蟠，如聞早上李膺門。自知君感相存慰，為我偷來咳唾恩。



近日野州安別駕製一絕寄諸同志有頌  
歷外吏獨後倫輩之歎予不勝助憂聊依

本韻訓

君魯獻策立公車政事當求孔子家請抱負心  
能報國寒松不道遂無花

重陽日侍宴紫宸殿同賦王燭歌應製六  
韻

已上  
成

無為無事明王代九月九日嘉節朝曆數所歸  
有真至欲令雨順又風調始聞童子謳唐國終

見大臣謁渭橋人望天從明王燭自春步夏到  
金殿菊知供奉霜籬近鴈守來賓雲路遙藻鏡  
和光毫不失璇璣遠映德跡昭東西郡老承成  
頌南北州民習作謠臣在陶鈞歌最樂願驚高  
聽入丹青

勸學院漢書竟宴詠史得叔孫通

游魚得水幾波濤命矣孫通遇漢高暗記龍顏  
奇在胷先知虎口利如刀謾言不謝加新印降  
見無嫌變舊袍太史公雖稱太直猶慙去就甚



鴻毛

相國東廊講孝經畢各分一旬得忠順弗失而事其上

士出寒閨忠順成樵夫不嘆負薪行雲龍關下趨資父槐棘門前跪事兄一願偷羨天性色三言平帶孔懷聲侍即無厭官衙早誰道遺孤忝所生

賦木形白鶴

八年十二月二十五日夜金吾納言祝四十年法會賦之

從初展翅未知雲隨手來時暫有群清唳無期

何歲月金吾願待一聲聞

早春內宴侍仁壽殿同賦春娃無氣力應

製一首并序扶八

夫早春內宴者不聞荆楚之歲時非踵姬漢之遊樂自君作故及我聖朝殿庭之甚幽咲嵩山之迳鶴駕風景之最好嫌曲水之老鸞花節則新焉一人有慶年惟早矣萬壽無疆於是粧樓進才粉妓從事纖手細腰受之父母軟雲穠李備于髮膚况陽氣陶神望玉階而餘喘韶光入



膏飛紅袖以羸形彼羅綺之爲重衣妬無情於  
機婦管絃之在長曲怒不闕於伶人變態續紛  
神也又神也新聲婉轉夢哉非夢哉臣通籍車  
門蹈絲霞而失步登仙半日問青鳥以知音樂  
之逼身詞不容口請祝堯帝將代封人云余謹序  
純質何爲不勝衣慢言春色滿腰圍殘粧自懶  
開珠面寸步還愁出粉闥嬌眼曾波風欲亂舞  
身迴雪霽猶飛花間日暮笙歌斷遙望微雲洞  
裏歸

相府文亭始讀世說新語聊命春酒同賦

雨洗杏壇花應教一首

仁和元  
扶一

學者誰家異杏壇紅花好是雨中看功能欲効  
雲先潤變理應知樹不寒唯有十旬相長養豈  
教五出且銷殘晚來春酒終無筭花也人顏醉  
一般

七月七日憶野洲安別駕

非無遠信屢相聞此夕殊思欲見君珍重牽牛  
期曉漢張然別駕隔秋雲定知羣匹同時拜唯



恨詩情兩處分，依乞平安歸洛日。蒲庭香粉幾紛紛。

秋夜宿弘文院

信脚涼風得自由，弘文院裏小池頭。紀司馬以他門去，藤少府因入室留。梁上雞遲知未曉，枕邊蠶急欲深秋。非無弊宅安眠卧，乘輿來時物外遊。

仁和元年八月十五日行幸神泉苑有詔

詩臣命獻一篇

同勅門存根恩

神泉望幸幾，寒溫喜見仙輿出。璪門地縮松江秋，木蒲人招柳市。古風存無辭野釀，添顏也不倦伶簫報耳根。日暮歸時明月下，迴頭更畏戴皇恩。

晚秋二十詠

九月二十六日隨阿州平刺

清談之間今多進士題中二十事于時日迴西山飯期漸至香臺詠之文不加點不避聲病不守格律但恐世人朝弄斯文恐之思之才之拙也

殘菊

陶家秋苑冷殘菊，小籬間為是開時。晚應因得



地閑唯須偷眼見，不許任心攀。若使風霜怨，當留早老顏。

小松

小松經幾日，不變舊青青。本是山中種，移來水上庭。同聲沙石浪，假蔭草茅亭。將效貞心遠，木夫此地停。

秋外黃葉，耳畔日暮。聽其聲，不見其形。殘秋皆壞色，萬木淺深黃。影映山邊水，枝凋曉後霜。隨風吹遠近，觸處落閑忙。植物能如此，人

生自可量

右石

幽庭看古石，苔蘚不知年。未肯妨三徑，從來約一拳。雲膚何望雨，水脉欲通泉。若不慙孤陋，當待歲後堅。

踈竹

此君何處種，閑在子猷籬。不謝寒霜苦，唯充送日資。殺青書已倦，生白室相宜。可愛孤蓑意，貞心我早知。



老苔

尋山迷道里進退任青苔  
便得低腰卧無嫌軟脚  
廻澗深秋雨後庭老曉霜來  
不可分將去平君引酒盃

紅蘭

案曆三秋暮尋花十步中  
殘香經洗露晚氣未傷風  
佩舊懷汝客園寒採藥翁  
芳情如可愛莫廢小孤蓼

石泉

欹枕閑窓卧微聲石下泉  
松悲無木地雨冷不雲天  
未飽殘秋賞應驚五夜眠  
縱教聞取去那得寫門前

灘聲

避喧雖我性唯愛水潺湲  
可轉幽人枕如彈古調絃  
孤松臨岸蓋落葉繫波船  
此夕無他業莊周第十篇

秋山

太底秋傷意山中不勝秋  
樵翁論去道巖客問



來由止足，依松立清心。傍水留指家，歸出早怨。  
作市朝囚。

片雲

一片秋雲細，微微出岫賒。樵夫披得道，隱士遂  
知家。未計虛心定，唯隨洞口斜。浮沉何處在，恐  
被晚風遮。

薄霧

山家侵曉霧，誰憚濕幽襟。菊墮籠花薄，沙崖網  
水深。看山無寄眼，聞浪得留心。暗記秋天事，開

居獨自吟

孤鴈

薄暮孤飛鴈，閑中聽不煩。貧來秋霧遠，旅宿曉  
波喧。未卜能鳴意，唯驚冷夢龜。若知詩與苦，高  
閣欲相存。

山寺

古寺人蹤絕，僧房排白雲。門當秋水見，鐘逐曉  
風聞。老臘高僧積，深苔小道分。文珠何處在，歸  
路趁香薰。



釣船

曲岸無他產蕭疎，一釣翁小舫迷落葉輕緒。  
涼風不問歸家後，唯期送老中竹竿如可學。  
我宅有孤藜。

樵夫

負薪家產苦山路，幾多艱曉出蓬門去。  
昏尋澗水還欲翮朝夕，口不惜老年顏自愧妻兒。  
意生涯未肯閑。

柴扉

秋山隣已絕，問得下柴扉。半畝家庭小，殘陽氣  
力微。應爲風月地，足寄薜蘿衣。縱有逢羔鴈，閑  
居不敢歸。

晴砂

佚四

晴砂宜勝境，好是水邊行。老鶴馴知意，遊魚喚  
有名。不嫌松影掩，唯待月光明。此地徘徊立，忘  
家送我生。

水鷗

雙鷗天性靜，况遇得心人。逐浪高低至，尋聲向



背馴飛疑，秋雪落集，談浪花勻，殊恨秋夫暮相離，不敢親。

晚嵐

松窓嵐氣苦，惱殺感秋情。真得詩人興，增來夜水聲。樵夫衣可薄，野客夢難成。已醉三分酒，誰愁昆曉行。

九月九日侍宴應製

聖曆仁，和以和為韻

九重逢九日，三舉醉三醞。引籍窺青簡，登高切絳河。菊開新月令，絃鼓舊雲和。較量皇恩澤，翻來四海波。

右親衛平將軍率廐亭諸僕奉賀相國五

十年宴座後屏風圖詩五首 并序

古人有言曰：聖人之養生也，必適其性。室大則多陰，多陰者致逆寒；室高則多陽，多陽者不能行。斯乃陰陽不適之患，居處空敞之弊。是故其為宮室，臺榭也足以避燥，脩濕矣其為飲食，醢醢也足以適味，充虛矣其為輿馬衣裘也足以逸身，煖骸矣其為聲色音樂也足以安性，自娛也其為苑囿園池也足以觀望勞形矣。五者，聖



人之所以節性不必好儉而已誠哉古人之有  
斯言也近取諸身當施座右故寄奇句以備用  
心云尔將軍詩余以言笑之好元年冬拔密語  
云相國今年滿五十一予寧諸僕可設遊  
宴座後所施屏風欲致妙絕汝作詩藤將軍書  
之巨金函畫之予願足矣再三雖辭遂不寬放  
此序是呂氏春秋之成文也  
鳥叙本意乃有此注而已

郊外翫馬

扶十  
六

龍媒戀主愁毫毛眉壽三千欲代勞齊足踏將  
初白雪遍身開着淺紅桃風前案轡浮雲軟日  
落鳴鞭半漢高仙駕不須飛免力請看雙鶴在

寒臯

謝道士勸恒春酒

臨盃管領幾迴春雪髮霜髯欲換身若與方家  
論不死麻姑應謝醉鄉人

卜居

長生自在福謙家踈牖低簷向月斜縱使門庭  
皆冷儉不辭到老富鶯花

南園試小樂

遇境偷閑喚管絃餘霞斷處落花前小兒相勸



分頭舞取樂當為地上仙

園池晚眺扶

松蘿任土枕江湄明月春風不失期  
枳落蕭疎瞻望遠沙堤委曲步行遲  
波臣自謁舞筵處國老相知種藥時  
懷抱此間攪緒斷生涯誰見鬢邊絲

夏日四絕

苦熱

未出炎蒸天地鈿况行世路甚崎嶇  
家兒不放

山林去苦熱庸材一腐儒

聞蟬

寒蟬幸得免泥行危葉竒身露養生  
猶恨淒涼風未到不能一旦自無聲

新竹

此君分種舊家根一二年來最小園  
今夏新生長又直剪將欲入釣翁門

汝庭

分合家中三逕斜自慙明後滿庭汝  
不須詩酒



菅家文集 卷二  
來喧聒為是秋開白菊華

菅家文草第二終

天養元年八月八日進納 比野廟院

一部十二卷 加後集之外奉加菅相公御集

一卷 朝散太夫藤廣兼

附錄

序四首

早春侍宴春暖序

九月盡白菊藜邊命飲序

早春內宴春娃無氣力序

右親衛平將軍奉賀相國五十賀宴後座

屏風圖詩五首序



